



ATASSUT

05.10.2015

Panguak M Kruse

UKA 2015/126

## **Uunga siunnersuut: Aalisarnermut aningaasaliissutinut immikkoortitat pillugit Inatsisartut inatsisaata allangortinnissaa pillugu Inatsisartut inatsissaat**

(Aalisarnermut, Piniarnermut Nunalerinermullu Naalakkersuisoq)

2014-mi inatsimmut allanguutissatut ingerlanneqarsimagaluartumik, ukioq manna nangeqqinneqartumik Aalisarnermik Piniarnermut Nunalerinermullu Naalakkersuisup siunnersuutaanut ima ATASSUT-mit isummerfigissuarput.

Nunatsinni aalisarneq tamaat isigalugu inuussutissarsiutini pingaarnersaammat aalisariutitigullu nutarsaanissaq piffissanngoreersoq pimoorussisumik iliuuseqarfigalugu ATASSUT-miit oqariartorfiguarparput. Aalisartuni ilisimaarigatsigu inuussutissarsiutertik pingaartillugu aallukkaat, ilaqarmatalu arlariinnik angallataateqartunik, tassaniimmat pisassiissutaatigisanik qalluisinnaajuarnissaq, tassaniipporlu ATASSUT-miit siunnerfileeqataaffigalugu matumani pineqartumi atugassarititaasutigut inuussutissarsiuummut pingaartitatsinnut naleqqussaannissarput aalisartortatsinnut.

Aalisariutit angissutit 5 BRT / 8 BT qaangersimappagu, aammalu 75 BRT 120BT ataassimappangu, aallaavingalugit allanguuteqarnissamut siunnersuutigineqartumut, isaterinermut atatillugu ukiut marluk iluini ingerlareersimasussatut naatsorsuutaavoq, imaappoq aalisaataasimasussatut piumasaqaatitalimmi, aammalu ukiuni 25-viusuni pigineqarsimasutut pigisatigut nalunaarsorneqarsimasuni ilaanissaat piumasaqaatigineqarpoq.

Tassanilu isaterinissamut pingaarnertut aalisarnermik inuussutissarsiortumit inatsisitigut allanguutissatut siunnersuutigineqartumi, imaapporlu angallatigineqartut ullumikkut qiviarutsigit agguaqatigiisillugu aalisariuteqqat amerlanerusut iluarsartuutassatut isikkoqarput, taamaattumik isaterinermi tapiisarnerit ingerlanneqartuni, nangittuanik aalisariutip aalisariutillillu aalisariutini isaterneqarnerani ullumikkut pisassiissutaasut ilanngullugit unitsinneqarnerat maluginiarparput, annertuumillu ATASSUT-ip tamanna anguniangaani iliuuseqarfigisassatut ilaavoq. Inuk aalisartoq aalisariutaatik angallataatimi isaterneqarnerata nalaani annaasaqannginnissaa pingaartippaa, imaappoq suliffeeruttutut inissisimanissaa qularnaarniassallugu taamaattumik aalisartoq



## ATASSUT INATSISARTUNI

---

aalisariutilik aalisariutini isaterneqarnerata nalerpiaani pisassiissutit pigisai peerneqannginnissaat siunnersuutigineqartumi ATASSUT-miit pingaarutilittut isumaqatigivarput.

Tassanilu apeqquteqarusuppugut naalakkersuisumut inatsisitigut qulakkeerneqarsimanersoq akileeriinginnissamik piumasaqarneq aatsaat isatingaq piareerpat akiliinissamik aalajangiusimasaqarneq. Isaterivinni aammalu Kommune-t iluini amutsivilinni ingerlanneqartuni pissutsit assigiinngiiaarsinnaammata, ilaatigullu nalinginnaatinneqartarmat akileeqqusereertarneq ATASSUT-miillu paaserusupparput tamatuma assigiissarneqarsinnaanera Naalakkersuisuniit qulakkeerneqareersimanersoq?

Immikkut maluginiakkatut ATASSUT-miit iluarisimaarlugu isaterisitsinissani pisortatigut akuerisaasuusutut aallaavilimmik ingerlatsisoqarniarmat.

Taamatut ATASSUT sinnerlugu oqaaseqarninni siunnersuutip aappassaaneerneqartinnagu apeqqutit akineqarnissaat kissaatigissavarput, suliallu ataatsimiititaliami suliarineqarluarnissaanut innersuullutigu.

Qujanaq!